

JAVNO KOMUNALNO PREDUZEĆE  
"VODOSTAN" DOO ILIJAŠ

Broj: 351/13  
Ilijaš, 20.05.2013 godine

BOSNA I HERCEGOVINA  
FEDERACIJA BOSNE I HRCEGOVINE  
KANTON SARAJEVO  
OPĆINA ILIJAŠ  
OPĆINSKO VIJEĆE  
Stručna služba Općinskog vijeća i općinskog načelnika

Predmet: Nacrt Odluke vezan za vodosnadbjevanje stanovništva sa  
lokalne vodovodne mreže.

U ljetnom periodu su evidentni poremećaji na planu urednog i kontinuiranog vodosnadbjevanja vodom za piće iz lokalne vodovodne mreže. Uzroci poremećaja su nedostatak vode, a time i rada pumpnih postrojenja punim kapacitetom na vodozahvatu sa jedne strane i nenamjenska potrošnja vode (zalijevanje bašti, voćnjaka, travnjaka, punjenje bazena za kupanje i drugo) sa druge strane.

U navedenoj situaciji u cilju obezbjeđenja što kvalitetnijeg vodosnadbjevanja jedino je moguće određenim mjerama uticati na nenamjensku potrošnju vode.

U cilju obezbjeđenja optimalne funkcije vodosnadbjevanja svih korisnika komunalne usluge predlažemo donošenje mjera sadržanih u nacrtu slijedeće Odluke:

1. *poremećaj* - događaj ili pojava koja može uzrokovati odstupanja u količini i/ili kontinuitetu isporuke komunalne usluge,

## PRIJEDLOG

Na osnovu člana 55. tačka 5. Statuta Općine Ilijaš ("Službene novine Kantona Sarajevo br. 7/98; 9/01 i 17/04), i člana 17, 19. i 20. Zakona o komunalnim djelatnostima (Službene novine Kantona Sarajevo " br. 31/04 ), te člana 88 i 91. Poslovnika Općinskog vijeća (Službene novine Kantona Sarajevo" br. 32/05), Općinsko vijeće Ilijaš na svojoj \_\_\_\_\_ sjednici održanoj \_\_\_\_\_ godine, donijelo je:

### O D L U K U

o snabdjevanju vodom za piće u vrijeme otežanog snabdjevanja,  
odnosno snabdjevanja uz ograničenje potrošnje (redukciju),

#### Član 1.

Ovom odlukom uređuje se snabdijevanje vodom za piće, utvrđuju obaveze davaoca komunalnih usluga, građana, pravnih i fizičkih lica u vrijeme otežanog snabdjevanja, odnosno snabdjevanja uz ograničenje potrošnje (redukciju), na području općine Ilijaš (u daljem tekstu: Općina.)

#### Član 2.

(Značenje izraza)

Izrazi koji se koriste u ovoj odluci imaju sljedeće značenje:

1. *davalac usluge* – komunalno preduzeće
2. *komunalne usluge* - usluge koje vrši davalac usluga su snabdijevanje vodom za piće,
3. *korisnik usluge*( u daljem tekstu: *investitor, vlasnik građevine* ) - pravna ili fizička osoba kojoj se pruža komunalna usluga *građevina (objekat, zgrada)* – poslovni objekat, stambeni objekat sa jednom ili više zasebnih stambenih jedinica ,stambeno- poslovni objekat sa više zasebnih stambenih i poslovnih cjelina .
4. *pojedinačni vodomjer* – mjerni uređaj za stambenu ili poslovnu jedinicu i u vlasništvu je korisnika usluge
5. *vodovodni priključak* – priključni vod vode za piće od spoja na uličnu vodovodnu mrežu do glavnog vodomjera
6. *obračunski period* - period na koji se odnosi obračun utroška vode između dva očitavanja, *poremećaj* - događaj ili pojava koja može uzrokovati odstupanja u količini i/ili kontinuitetu isporuke komunalne usluge,
7. Ograničena potrošnja (redukcija) je vrijeme kada je potrošnja vode veća od proizvodnje i distribucije vode.

#### Član 3.

( Djelatnost od javnog interesa )

Snabdijevanje vodom za piće je komunalna djelatnost od javnog interesa za Općinu.

#### Član 4.

( Nadležnost općine )

- (1) Općina ima obavezu da, u okviru svoje nadležnosti osigura uredno snabdijevanje vodom za piće, prema postojećim propisima.
- (2) Nadležna služba za snabdjevanje vodom za piće je služba za privredu finansije i investicije Općine.

Nadležna općinska služba obavezna je da:

- a) proglašava vrijeme otežanog snabdjevanja odnosno snabdjevanja uz ograničenu potrošnju (redukciju),
- b) preko davaoca komunalne usluge u oblasti vodosnabdjevanja zadovolji osnovne potrebe

- domaćinstva vodom za piće,
- c) dnevno prima izvještaje davaoca komunalne usluge o stanju u oblasti vodosnabdjevanja,
  - d) odredi red prvenstva i način pružanja usluga onim korisnicima kod kojih bi usljed prekida nastala opasnost po život i rad građana ili rad pravnih i fizičkih lica ili bi nastala značajna, odnosno nenaknadiva šteta,
  - e) naredi mjere za hitnu zaštitu komunalnih objekata i druge imovine koja je ugrožena,
  - f) preduzme mjere za otklanjanje nastalih posljedica i druge potrebne mjere za obavljanje komunalnih djelatnosti,
  - g) utvrdi razloge i eventualnu odgovornost za poremećaj, odnosno prekid vršenja djelatnosti i učinjenu štetu,
  - h) traži inspekcijski nadzor.

#### Član 5.

( Obaveze davaoca usluga)

Davalac komunalne usluge obavezan je da:

- a) osigura trajno i kvalitetno obavljanje djelatnosti,
- b) osigura održavanje objekata i uređaja u stanju funkcionalne sposobnosti,
- c) poduzima mjere za očuvanje i zaštitu okoliša ,
- d) osigura javnost i transparentnost rada,
- e) zadovolji osnovne potrebe domaćinstva vodom za piće,
- f) dnevno pratiti stanje vode na vodozahvatu, upoređuje proizvodnju, isporuku i potrošnju vode te na osnovu činjenica vršiti procjenu stanja u oblasti snabdjevanja vodom za piće,
- g) dnevno obavještava nadležnu općinsku službu o stanju u oblasti vodosnabdjevanja,
- h) na osnovu činjenica i dokaza predlaže nadležnoj općinskoj službi proglašenje vremena otežanog snabdjevanja, odnosno snabdjevanja uz ograničenu potrošnju (redukciju) vode za piće,
- i) dan prije očekivanog prekida u pružanju komunalne usluge u sredstvima javnog informisanja ili drugi pogodan način obavještava korisnike komunalnih usluga o planiranim ili očekivanim poremećajima ili prekidima u snabdjevanju vodom za piće,
- j) izrađuje plan ograničen potrošnje (redukciju) vode za piće i isti dovla nadležnoj općinskoj službi na odobrenje,
- k) poduzme mjere na otklanjanju uzroka poremećaja ili prekida,
- l) organizuje redarsku službu u cilju spriječavanja neracionalne potrošnje vode za piće u vrijeme otežanog snabdjevanja odnosno snabdjevanja uz ograničenu potrošnju (redukciju),
- m) propiše ovlaštenja i zadatke redara u skladu sa posebnim propisima,
- n) vrši isključenje korisnika komunalnih usluga koji nenamjenski koriste komunalne usluge u vrijeme otežanog snabdjevanja, odnosno snabdjevanja uz ograničenu potrošnju (redukciju) vode za piće,
- o) traži inspekcijski nadzor.

#### Član 6.

- (1) Osnovnim potrebama domaćinstva smatra se korištenje vode za piće, održavanje čistoće i slične potrebe u domaćinstvu. Takvim korištenjem se ne smatra korištenje vode u tehnološkom procesu pri obavljanju privredne djelatnosti.
- (2) Korištenje vode za snabdjevanje stanovništva vodom za piće, sanitarne potrebe i potrebe protivpožarna zaštite ima prednost u odnosu na korištenje vode za ostale namjene.

#### Član 7.

(Obaveze korisnika usluge)

Korisnici komunalne usluge dužni su:

- a) zaključiti ugovor o korištenju komunalne usluge,
- b) omogućiti pristup vodomjeru radi očitavanja potrošnje vode,
- c) redovno plaćati račune za pruženu komunalnu uslugu,
- d) blagovremeno obavještavati davaoca usluge o svim promjenama bitnim za obračun potrošnje vode

- e) racionalno koristiti vodu za piće, a posebno u vrijeme nestašice vode ili drugim vanrednim prilikama,
- f) obavijestiti davaoca usluge o uočenom kvaru na vodovodnoj mreži,
- g) poštovati zakonom propisane zaštitne mjere za izvorišna područja, odnosno ne vršiti aktivnosti koje mogu prouzrokovati štetne uticaje na kvalitet vode za piće,
- h) unutrašnje vodovodne instalacije i vodomjerno okno održavati u stanju funkcionalnosti,
- i) o svom trošku na unutrašnjoj instalaciji ugraditi uređaj za zaštitu povratnog toka vode iz unutrašnje instalacije u javnu vodovodnu mrežu,
- j) dopustiti nadležnim službama davaoca usluga pregled i nadzor nad unutrašnjim instalacijama korisnika usluga, a naročito u slučaju moguće pretnje ili nastalog zagađenja vodovodne mreže,
- k) dozvoliti davaocu usluge uzimanje uzorka vode iz unutrašnjih vodovodnih instalacija u svrhu kontrole kvaliteta vode.

#### Član 8.

U vrijeme otežanog snabdjevanja odnosno snabdjevanja uz ograničenu potrošnju (redukciju), korisnicima komunalne usluge zabranjeno je:

- (1) Svaka upotreba vode za piće osim upotrebe vode za osnovne potrebe domaćinstva, a naročito; upotreba vode za piće u svrhu pranja automobila, pranje tepiha, zalijevanja travnjaka i vrtova, prskanja i pranje betonskih površina i točenje vode u bazen za kupanje.
- (2) Upotreba vode za piće u tehnološke svrhe.

#### Član 9.

(Viša sila i vanredne okolnosti)

- (1) Odredbe o obavezama i odgovornostima davaoca usluge u vezi sa isporukom komunalne usluge ne primjenjuju se za vrijeme više sile i drugih vanrednih okolnosti.
- (2) Pod višom silom u smislu ove uredbe smatraju se svi događaji i okolnosti koje, da su i mogle biti predviđene, ne bi mogle biti spriječene i na koje se ne može uticati, umanjiti ih, ukloniti ih ili ukinuti njihovo djelovanje, a to su: elementarne nepogode, trajnije suše, poplave, potresi, epidemije, sabotaza i dr.

#### Član 10.

( Nadzor )

- (1) Nadzor nad provođenjem ove Odluke vrši Načelnik općine.
- (2) Inspeksijski nadzor nad provođenjem ove odluke vrši općinski komunalni inspektor.

#### Član 11.

Ako se davalac i korisnik komunalnih usluga ne pridržavaju obaveza utvrđenih ovom odlukom novčane kazne biti će izrečene u skladu sa Zakona o komunalnim djelatnostima (Službene novine Kantona Sarajevo " br. 31/04 i 21/05 ).

#### Član 12.

Ova Odluka važi do donošenja kantonalne Odluke koja će regulisati ovu oblast.

#### Član 13.

Ova odluka stupa na snagu danom donošenja i biti će objavljena u Službenim novinama Kantona Sarajevo

**PREDSJEDAVAJUĆI OPĆINSKOG VIJEĆA:**

Broj: \_\_\_\_\_/13  
 Ilijaš, \_\_\_\_\_/13

Damir Filipović, s.r.

## ***O B R A Z L O Ź E N J E***

### **Pravni osnov**

Zakonski osnov za donošenje ove Odluke su član 17.19. i 20. Zakona o komunalnim djelatnostima (Službene novine Kantona Sarajevo " br. 31/04 ), Statutarni osnov za donošenje ove odluke su članovi člana 55. tačka 5. Statuta Općine Ilijaš ("Službene novine Kantona Sarajevo br. 7/98; 9/01 i 17/04), te član 88. i 91. Poslovnika Općinskog vijeća (Službene novine Kantona Sarajevo" br. 32/05). Članom 52. navedenog Zakona Vlada Kantona je dužna donijeti podzakonske akte iz člana 4. stav 2. Zakona o komunalnim djelatnostima (Službene novine Kantona Sarajevo " br. 31/049 ). Kako Kantonalna Odluka nije donesena, prema članu 12. predložene Općinske Odluke, ista važi do donošenja kantonalne Odluke koja će regulisati ovu oblast.

Snabdijevanje vodom za piće je komunalna djelatnost od javnog interesa za Općinu i Općina ima obavezu da, u okviru svoje nadležnosti osigura uredno snadbijevanje vodom za piće, prema postojećim propisima. Davaoci komunalnih usluga dužni su u sredstvima javnog informisanja ili na drugi pogodan način obavijestiti korisnike komunalnih usluga o planiranim ili očekivanim smetnjama i prekidima koji će nastati ili mogu nastati u pružanju komunalnih usluga najkasnije jedan dan prije očekivanog prekida u pružanju tih usluga, te da i u otežanim uslovima ravnopravno zadovolji osnovne potrebe domaćinstva za snabdijevanjem vodom. U vrijeme otežanog snabdijevanja, odnosno snabdijevanja uz ograničenje potrošnje (redukciju) o čemu je korisnik blagovremeno obaviješten na odgovarajući način ili nenamjenski koristi komunalnu uslugu korištenje komunalne usluge može se otkazati. Primjena zakonskih odredbi zahtjeva regulisanje korištenja komunalnih usluga donošenjem provedbenog propisa koji će biti usklađen sa kantonalnim propisom po njegovom donošenju.